



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

25 e Urbanus der 18. Bapst vnd Marterer.

urn:nbn:de:hbz:466:1-41449

Malus

Anno Dñi 234. Item zu Rom des H. Marteners Anolini / welcher ein Hüter war der Gefencknuß / darinn der heylig Pappst Urbanus der erst gefangen / ist aber sampt dreyn Obersten Junffmaistern / nemlich Fabiano / Calixto / vnd Amano / von demselben S. Urbano zu Christo beköht / vnd da er den Abgöttern nicht opffern wolt / gleich enthauptet worden. Die andern dreyn seind erstlich greulich zerzeret / darnach zum Abgöttern geführt / vnd als sie dieselben ansppen / auch enthauptet / vnder den blütgirigen Kaysern Diocletiano vnd Maximiano.

Item in der Statt Bononia die erhebung des heyligen vnd berhümbten Beichtigers Dominici / im 13. Jar nach seinem seligen Tod / auß befehl Pappsts Gregorij des neunten / geschehen von dem Erzbischoff zu Rauenna vnd vilen andern Bischoffen / inn welcher erhebung von seinem junckfräwlichen Leib ein wunderbarlicher lieblicher süßer geruch gieng. Von dem weyter am 5. tag Augustmonats.

Item zu Coln am Rhein / in der Kirchen ad gradus Mariae, die erhebung etlicher Reliquien des H. Bischoffs vnd Beichtigers Ammonis.

Item die erhebung des H. Lamberti.

e viij. Calendas Iunij.
Der XXV. Tag im Mayen.

Zu Rom / ist heut der Geburtstag des H. Pappsts vnd Marteners Urbani des ersten / der war ein Römer / von Edlem Geschlecht / vnd ein Christ von jugent auff. Vnder der verfolgung des Kayfers Aurelij Antonini / seind auß seiner Predig vnd Lehr bey fünf

fünff tausent Menschen zu Christo beköhrt/ vnd mit der
Marter gekrönet worden. Er aber ward endelich mit
seinen dreyen Priestern (nemblich Romano/ Dionysio/
vnd Eromatio) auch mit zweyen Diaconen/ Martia-
li vnd Luciano gefangen/ vnnnd nach vilen schlägen ent- Anno Dñi
hauptet. 224.

Item zu Mayland des heyligen Bischoffs vnnnd
Beichtigers Dionysii / welcher erstlich von dem Ar-
rianischen Kayser Constantio betrogen vnnnd bezwun-
gen/ hat sampt andern 29. Bischoffen der Arrianischen
Lehr vnderscriben / welche doch alle von dem heyligen
Verzellensischen Bischoff Eusebio im rechten Glau-
ben gesterckt wurden / Däß theyten/ vnnnd sich mehr wie
zuuor zu vnderscriben widereten/ derhalben sie gen Cap-
padocia in das ellend verschickt waren / daselbst diser
Dionysius verschiden. Hernach aber ist sein heyliger Anno Dñi
Leib/ durch den heyligen Bischoff Basilius auffgenom- 350.
men/ vnd durch S. Ambrosium ehrwürdiglich begrab-
en worden.

Item in Messia/ in der Statt Dorostoro/ der heyligen
Marterer Pasicratis/ Valentionis / vnnnd ande-
rer zweyer/ so zumal mit der Marter gekrönet seind wor-
den.

Item in der Landschaft Trecafino/ des heyligen
Beichtigers Leonis.

Item zu Rom des heyligen Pappsts Eleutherii /
dise war ein Griech / auß der Statt Nicopoli / vnnnd
ein Nachkommer des heyligen Pappsts Sotheri / hat Anno Dñi
zwen fromme Mönch / nemblich Siganum vnnnd Di- 184.
mianum / inn Engeland geschickt / das Euangelium
zupredigen / dieselben mit Christi gnaden den König
Lucium sampt seinem Volck beköhret. Eleutherius
S v aber

Matius

Anno Dñi
198.

aber ist zur zeit des Kayfers Commodi mit der Mar-
ter gekrönt/ vñnd zu S. Peters Leib inn Vaticano be-
graben worden. Wirdt auch am nechstuolgenden tag
gesezt.

Item in Pannonia des heyligen Marterers Ni-
ceti/ welcher ein Gotheer gewest/ vñnd da er den Glau-
ben Christi nit verlaugnen wolt/ ist er zur zeit des Christ-
lichen Kayfers Valentiniani / von den Gothen inn ein
groß Fewr geworffen worden/ vñ hat die Kron der Mar-
ter erlangt. Sein Leib ligt jehund zu Venedig.

Anno Dñi
380.

Item zu Florenz in Thuscia der Geburtstag des
heyligen Bischoffs vñnd Beichtigers Zenobij/ welcher
in heyligkeit des Lebens / inn herligkeit der Wunder-
werck / vñnd in hailfamer Lehr der Kirchen Gottes / für-
nehmlich in Thuscia / sehr nus gewesen / zur zeit des
Bapsts Damasik/ empffete Ritterlich wider die Aria-
nischen Keresey/ regieret sein Kirch Gottseligklich/ thet
grosse Wunderzaichen / war auch lieb dem heyligen
Ambrosio.

Item des heyligen Adelini/ Bischoffs zu Schir-
burnen in Engeland/ vñnd Beichtigers.

Item in Egypten des heyligen Abts Mutij/ wel-
cher erstlich ein Hayd / vñnd Oberster war der Wüder/
auch deren/ so der Heyligen begräbnuß sehendeten vñnd
beraubten. Ist aber wunderbarlich durch ein Gesicht
im schlaff zu Christo belöhrt / vñnd ein Einsidel worden/
hat darnach vil Jünger versamblet / die ihm gehorch-
ten/ auch etwann die todten Brüder/ so ihm antwort ga-
ben/ ja auch die Sonn am Himmel stünd still/ nach sei-
nem willen : Führet ein sehr heyligs Leben/ ward alle
Sontag durch Brod vom Himmel gesandt/ gespeist.

Item eines andern heyligen Mutij/ welcher mit
seinem

seinem achtfährigen Sohn inn ein Kloster gieng / vnd darinnen in grosser gehorsam lebet / als der Abt ihm gebot / daß er solt seinen Sohn in Fluß werffen / da hat er / wie Abraham / sein Fleisch vnd Blüt nit angesehen / sonder so vil an ihm war / die lauter gehorsam laisten wollen. Wie von ihm schreibt Heraclides.

Item zu Asisio die erhebung des heyligen hochberühmbten Beichtigers Francisci / dessen ehrwürdiger Leib / mit des gecreuzigten Nasen / gleich wie mit köstlichen Berlin gezieret / von den Brüdern / zu Asisio inn gemainen Capitel versamlet / von S. Georgen Kirchen / in wellicher er erstlich den ort der Khü empfangen / zu der Kirchen / inn seiner Ehr gebawen / an diesem Tag geführt / vnd mit gebürlicher ehr dahin gelegt worden. Von welchem weyer am 4. tag Weinmonats.

Anno Dñi
1230.

Item die erhebung der heyligen Marien Jacobi vnd Salome / welche im Euangelio zeugnuß haben / vnd Christi Grab besüchten mit der heyligen Magdalena / auch von Christo selber nach seiner Aufferstehung begrüßet vnd getröstet sein worden.

Item die erhebung des heyligen Priesters vnd Beichtigers Goaris. Von welchem am 6. tag Hewmonats weyer.

Item die erhebung des heyligen Marterers Stephani / geschehen von Constantinopel gen Venedig / in das Kloster S. Georgii Maioris. Von welchem am 20. Wintermonats weyer.

Anno Dñi
1110.

Item des heyligen Pappis Bonifacij.